

**ERGO** ingruentū sœvit adhuc furor  
 Insanus Armorum et, ruit horridi,  
 Effusa Tempestas Gradivi \*  
 Ausoniae minitata cladem !

Quippe hâc truci spectabilis ordine  
 Vis fulminantis concita Galliæ  
 Grassatur, hâc Germana pûbes  
 Contrâ acies inimica pandit.

Hinc indè sese flectere devia  
 Visa est diu Victoria desuper;  
 Interq pugnaces cohortes  
 Ambiguus fluitare pennis:

Optata post paulo addita Gallicis  
 Comes catervis—En ! ubi Mantuæ  
 Ingressa muros, arduâq in  
 Turre sedens, rutilam per æthram

Vexilla clarâ ardentia purpurâ  
 Latè coruscat ! stant prope Militum  
 Læti triumphantū Phalanges,  
 Et reſonus ferit astra clamor.

At Tu, tuarum tristior Urbium  
 Iam jamq sœvo Marte cadentium,  
 Frustrâ repentem vastitatem  
 Italia, interitumq ploras.

Namq ut citato fervidus impetu  
 Olim ille Dux Carthaginis irruens  
 Per plana camporum, ac feraces  
 Ibat agros, rapidiq ad instar

Torrentis, Urbes, Ruricolæ, Pecus,  
 Demersit uno funere, gentibus  
 Crudele devictis minatus  
 Excidium, Dominæq Romæ ;

Sic Gallicus Vir nuper in obvios  
 Arrectus enses, tantus et horrido  
 Insignis Armorum tumultu  
 Fulminat Ausonios per Agros,

Non usitato militiæ modo,  
 Turrita faxis oppida gestiens  
 Perrumpere, ipsiusq Romæ  
 Mænia terrificare bello.

Illum, superbo Gloria vertice,  
 Lætum juventâ, milit in hostium  
 Turmas, triumphalesq Currû  
 Addidit ipse rotas Gradivus.

Tum celsa nuturunt capita Alpium  
 Diri paventum Martis imaginem ;  
 Summæq Pyrenes reclini  
 Protinus intremuere collo.

Quin, luce functi, magnanimum Ducum He-  
 roumque Manes, olim animæ inclytæ  
 (Dum vita) damnatiq pulchri  
 Funeris, ingemere terrâ

\* Strepitumque minasque Gradivi. Val. L. 5. 651.

Mæsti sub imâ ; et Marmoreæ Patrum  
 Formæ statim prorumpere sedibus  
 Ipsis videbantur, rigentiq  
 Attonitæ rapere arma dextrâ.

Tales Alumnos non sibi Romula  
 Jam terra jactat, qui properam nimis  
 Regni vacillantis ruinam  
 Viribus ingenioq sistant,

Ingens Gigantis terrifici velut  
 Cadaver, olim quod tumulo datum,  
 Multosq servatum per annos,  
 Morte etiam potuit sub ipsâ

Atrox videri—vultus adhuc riget  
 Horrore, ceu vivus ; sed inania  
 Solvuntur ipso membra tactu,  
 Et tenues abeunt in auras :

Talis vetustâ splendida origine  
 Stat Roma—quæ, quanquam imperiosior  
 Moles videri, jam cadenti  
 Assimilis, negat ipsa regni

Pondus tueri, sed procul hostium  
 Invitat adventum ipsa capi volens ;  
 Imparq si quando ruentū in  
 Bella virū tolerare robur.

Viator Urbi dum propius gradum  
 Flectit, caducæ signa potentia,  
 Murosq labentes, et alta  
 Mole suâ ruitura tecta,

Et Fana sœdo senta situ Deūm,  
 Forumq vastum, et celsa Palatia,  
 Arcesq, et antiquos Penates,  
 Et veteris monumenta famæ

Miratur, “ O quæ maxima Gentium  
 Regina Victrix, et Domina Urbium  
 Quondam ferebare, ipsa quali  
 Roma cadis labefacta fato ?

Olim cruentis non sine vinculis  
 Frænare terras aspera, et impéri  
 Jactare fastūs ; clarioris  
 Nequitia malefana Cultrix !

Mutata quantum ! non Aquila, Hostium  
 Olim ille terror, remigio supra  
 Librata pennarum relictis  
 Præsidet, invigilatq portis,

Gaudens minores Alituum greges  
 Arcere longè ; et nubila in ardua  
 Sublata sublimi volatu  
 Fulmina præcipitare belli.

At nuda, at omni præsidio carens,  
 Insigne fati ludibrium gravis,  
 Lapsæq Majestatis Umbra  
 Roma jaces, et inane Nomen” !

Sic ille—volvens tristia lubricæ  
 Inceſta Fortunæ, et tacito gradu  
 Repentis Ævi Vastitatem, et  
 Luciferi mala multa Belli.

Nosq et dolentes plus vice simplici  
 Inauspicatos Italiæ exitūs,  
 Haud vana formido laceſſens  
 Immemores vetat esse nostri ;

Neu forte fidens viribus et novis  
 Ausus triumphis Gallus, in Anglicas  
 Irrumpat oras, atq inermes  
 Cominus adgrediatur Urbes

Victore bello\*—Quis femori ocus  
 Aptabit enses ? pro patriâ impiger  
 Perire !—Quin vellem ista longè  
 Omina diripiant procellæ.

Cerno ut decoros Gentibus extulit  
 Pax dia vultus ; illa nigrantium  
 Compescit armorum furores,  
 Illa hyemes nebulasq belli ;

Orbemq diris undiq sœvius  
 Tumultuantem seditionibus  
 Tranquillat, amplexuq terras  
 Compositas refovet capaci.

Qualis, fugatis nubibus, et gravi  
 Cedente Cælis imbre, per aera  
 Latè superfuso serenum  
 Purpureo nitet Iris Arcu.

At Tu usque Victrix perge Britannia  
 Immenſa fulcans cœrula ; dum freti  
 † Sonantis-æternum fragore  
 Oceanus tua regna, Custos

Insomnis, ambit ; dum potes unicè  
 Secura, clades inter et asperum  
 Discrimen armorum quieto  
 Æquoris imperio potiri.

Te qui beatæ regna Asiæ colit,  
 Ullæq semper solibus Africæ,  
 Lateq porrecti sub extre-  
 mum populi venerantur Axem.

Te Gallus et te dives Iberiæ  
 Colonos audit, † Te, Dominam æquoris,  
 Quicunq per vasti timendos  
 Navigat Oceani tumultus.

Ergo apta bello, pacis amans magis,  
 Intemperatam Lege licentiam  
 Premente, Libertate salvâ,  
 Justitiâ comite, integrâq

Cum laude, Rerum || per trepidas vices,  
 Belliq casūs, per lacrymales  
 Intacta Regnorum tumultūs  
 Perpetuis dominabere annis.

\* Sic Virgilius, Victor Equus, Bellator Equus, itemq Græci.  
 Eurip.

Pind. P. 261. Edit. Benedict.

† Sonantis-æternum—“semper udum.”

HORAT.

† “Neque audit currus habentis”—VIRG. GE.

|| Sunt lacrymæ rerum, &c. VIRG. ÆN. LIB. I. V. 262—Vid.

Edit. Heyne in Notis.